

於越先賢象贊



任渭长人物版画四种之三（下）

於越先贤像传赞

人民美術出版社

任渭长人物版画四种之三

於越先贤像传赞

汪子豆供稿
人民美术出版社出版

(北京北总布胡同三十二号)

责任编辑：刘玉山

装帧：刘玉山

昌平达江印刷厂印刷
新华书店北京发行所发行

一九八七年十二月第一版第一次印刷

ISBN 7-102-00282-3/J·258 定价：3.45元

於越先賢像傳贊目錄

卷下

陳侍中德子虞公荔

唐銀青光祿大夫宏文館學士永興縣子

文懿虞公世南

唐禮部尚書賀公知章

唐宗元先生吳先生筠

唐校書郎秦先生系

吳越保順軍節度使檢校太尉同平章事

兼侍中忠壯鮑公君福

吳越石先生延翰

宋三司鹽鐵判官王公絲

宋司徒兼侍中祁國公正獻杜公衍

宋龍圖閣學士知歙州顧公臨

宋朝奉郎賀公鑄

宋中大夫知亳州陸公佃

宋朝奉大夫資政殿學士壯簡李公光

宋給事中傅公崧卿

宋徽猷閣待制知廣州事陳公橐

宋太常主簿石公礪

宋寶章閣待制渭南伯陸公游

宋太傅永寧郡王楊公石

宋唐先生珏

元莊節先生韓先生性

元吳先生銓

明參議王公綱

明大理寺評事顧公觀

明吳孝子希汴

明成先生器

明高先生升

明陳先生應龍

明貞孝先生劉先生洵

明文孝先生黃公宗羲

明舉人周先生懋穀

越女西施

晉孫氏定夫人

晉會稽太守王凝之妻謝夫人道韞

宋陳氏三女

宋朱孝女娥

宋王孝女

元楊伯遠妻王氏

明張員妻徐氏

明游擊將軍沈氏雲英

明巡撫忠惠祁公妻商夫人景蘭

於越先賢像傳贊

蕭山王 齡撰

卷下

陳侍中德子虞公

公諱荔字山披會稽餘姚人年九歲陸倕問五經凡有十事悉對無失以是知名釋褐梁西中郎行參軍士林館成制碑奏上武帝命勒於館仍用爲士林學士累遷散騎侍郎兼中書舍人

於越先賢像傳贊 卷下

一

尋領大著作侯景之亂率家屬入臺臺城破遁歸累徵不就陳文帝平張彪兩與書招之乃應命及嗣位除太子中庶子尋領大著作初公母隨公入臺卒於臺內城陷情禮不申由是終身蔬食居止儉素帝深器之其弟寄久陷於陳寶應言及輒流涕帝詔寶應返寄終不遣因以感疾帝數往臨視及卒甚傷惜之贈侍中諡曰德子贊曰

對經擅譽制碑溢獎琳度標貞崑儀比朗西省流輝蘭臺振響執禮以終孝思不爽

唐銀青光祿大夫宏文館學士永興縣子

文懿虞公

公諱世南字伯施餘姚人沈靜寡欲精思讀書至累旬不盥櫛文章婉縟見稱於僕射徐陵由是有名在隋官祕書郎十年不徙入唐爲秦府記室參軍遷太子中舍人太宗踐祚愿宏文館

於越先賢像傳贊 卷下

二

學士祕書監封永興縣子致仕授銀青光祿大夫卒諡文懿後帝爲詩一篇述古典亡旣而嘆曰鍾子期死伯牙不復鼓琴朕此詩將何示耶勅于靈座焚之後數歲夢進讜言若平生翌日下制厚卹其家贊曰

擢品簪紳正音雅頌雍容揄揚國之鳴鳳嫩闡儒編讜徵帝夢永念遺忠牙琴致痛

唐禮部尚書賀公

公諱知章字季真會稽永興人少以文詞知名擢進士累遷太常博士開元中張說爲麗正殿修書使疏奏請公入書院同撰六典及文纂後轉太常少卿遷禮部侍郎加集賢院學士改授工部侍郎俄遷祕書監公性放曠晚尤縱誕自號四明狂客醉後屬詞動成卷軸又善草隸人共傳寶天寶初請爲道士還鄉里詔賜鏡湖剡川一曲御製詩以贈行皇太子已下咸就執別

於越先賢像傳贊 卷下

三

年八十六卒肅宗贈禮部尚書贊曰
天寶清晏拂衣歸廬知機肥遯豈翳純鱸東門
祖帳榮邁二疏修靈浩蕩千載賀潮

唐宗元先生吳先生

先生諱筠字貞節華州華陰人通經誼美文詞入嵩山依潘師正究其術元宗召見與語甚悅帝嘗問道對曰深於道者無如老子五千文其餘徒喪紙扎耳復問神仙治鍊法對曰此野人

事積歲月求之非人主宜畱意筠每開陳皆名教世務以微言諷天子羣沙門嫉其見遇而高力士素事浮屠共短筠於帝筠亦知天下將亂懇求還山因東入會稽剡中大厯十三年卒弟子私謚爲宗元先生贊曰

通經服儒隱於方術神仙之對足端主極思患見幾葆茲玄默要言不煩五千道德

唐校書郎秦先生

於越先賢像傳贊 卷下

四

先生諱系字公緒會稽人天寶末避亂剡溪北都畱守薛兼訓奏爲右衛率府倉曹參軍不就建中初客泉州南安有九日山大松百餘章俗傳東晉時所植先生結廬其上穴石爲研注老子彌年不出張建封聞先生不可致請就加校書郎自號東海釣客與劉長卿善以詩相贈答權德輿曰長卿自以爲五言長城系用偏師攻之雖老益壯其後東渡秣陵年八十餘卒南安

人思之號其山爲高士峯贊曰

辭徵獨居手注祕錄穴硯燃松之子如玉死友
不歸義心自勗高士一峯希君芳躅

吳越保順軍節度使檢校太尉同平章事

兼侍中忠壯鮑公

公諱君福字慶臣餘姚人曹瑋之役來歸武肅
王王使領一軍號歸明都積戰功爲衢州應援
副使陳彰叛脇公僞職公不納馳歸授衢州刺

於越先賢像傳贊 卷下

五

史從攻信州功爲諸軍之冠文穆王領清海軍
爲副使累職保順軍節度使檢校太尉同平章
事兼侍中卒諡忠壯公每戰常側兇鏖臂弓束
矢馬上輪雙劍出入陣中人皆呼鮑鬪云贊曰
介馬挾劍氣辟萬夫所向必捷有歸明都剛節
皦然郡職不汙楊頭誓斫威懾淮吳

吳越石先生

先生諱延翰新昌人父渝仕吳越錢氏爲太子

賓客吏部尚書兄延俸平江軍節度使封司空
獨先生不仕隱居沃州結廬於白雲谷以書史
爲娛自號雲和子人稱羽林先生後贈白雲先
生贊曰

門蔭貴盛獨甘布衣買山著書諒哉知幾空谷
龍蟄寥天鶴飛白雲賜諡何愧希夷

宋三司鹽鐵判官王公

公諱絲字敦素蕭山人舉進士任興國軍司理

於越先賢像傳贊 卷下

六

除台州軍事判官旋判衢州外臺假公領金華
守衢人遮於境曰我州一鑑何爲見奪詣臺乞
還拜殿中侍御史會湖南蠻攻郡縣詔公安撫
至則諮察利弊悉得其當招安三千人破蠻洞
二斬數百級餘皆竄匿充廣南東路轉運按察
兼安撫使交趾有變命公經度乃先城廣州造
大艦習水戰交趾不復動以兵部員外知通州
權三司鹽鐵判官卒後范仲淹爲志墓盛相推

美贊曰

撫楚諮仁鎮粵弭患橫琴露冕古之素宦希文直筆盛歟無間愛流五州懷均一鑑

宋司徒兼侍中祁國公正獻杜公

公諱衍字世昌越州會稽人舉進士爲揚州觀察推官累官龍圖閣學士知并州又徙永興召知開封府以刑部侍郎知樞密院事改副使慶曆三年爲吏部侍郎樞密使范仲淹嘗出公門

於越先賢像傳贊 卷下

七

下時爲參知政事數爭事上前公無愠色而仲淹益欽服之四年拜同中書門下平章事兼樞密使集賢殿大學士公爲相與富弼韓琦范仲淹革弊事修綱紀尤抑絕僥倖內降恩澤一切不與僥倖寢不悅又以爭范仲淹富弼之罷及不置對王益柔丁度之獄帝疑其朋黨以尚書左丞出知兗州公爲相凡百日明年以太子太師致仕謝事十餘年累遷太子太師封祁國公

臨終上疏請戒邊防節用建儲卒贈司徒兼侍中諡曰正獻贊曰

仕不植黨政不乖典百日揆屏相業爛顯席煥王呂門列歐范遺疏納忠帝懷芳馨

宋龍圖閣學士知歙州顧公

公諱臨字子敦會稽人舉說書科爲國子監直講遷館閣校勘同知禮院神宗召公問兵對曰兵以仁義爲本動靜之機安危所繫不可忽也

於越先賢像傳贊 卷下

八

條十事以獻出權湖南轉運判官罷歸改同判武學累遷給事中元祐三年朝廷方事回河拜天章閣侍制河北都轉運使蘇軾梁燾等請畱左右不報公至部請因河勢回使東流復以給事中召還累遷翰林學士紹聖初以龍圖閣學士知定州徙河南府尋以事奪職知歙州又以附會黨人斥饒州居住卒贊曰
彬彬侍郎早舉制科學冠薦牘聲蜚諫珂十事

論兵一疏治河端門黨籍高名不磨

宋朝奉郎賀公

公諱鑄字方回衛州人自言爲知章後世居越之鏡湖湖本慶湖故自號慶湖遺老喜談當世事可否不稍假借雖貴要權傾一時小不中意極口詆之人以爲近俠以薦爲朝奉郎判太平州致仕起管洞霄宮遷朝奉郎又致仕初監太原工作有貴人子同事驕倨不相下公得盜工

於越先賢像傳贊 卷下

九

作物閉諸密室數而杖之貴人叩頭祈哀乃大笑釋去自是諸挾氣力者皆爲側目博學工言語尤善度曲黃庭堅最賞其梅子黃時雨一語以爲似謝元暉云贊曰

尚氣使酒三輔俠少何物貴人投杖而笑棄官杜門高吟越調梅子江南我懷謝朓

宋中大夫知亳州陸公

公諱佃字農師越州山陰人舉進士稍遷集賢

校理累遷吏部侍郎修神宗實錄太常請復太

廟牙盤食博士呂希純等皆以爲當如公言太

廟用先王之禮用俎豆景靈宮原廟用時王之

禮用牙盤卒從之請外以龍圖閣侍制知潁州

累知江甯府治實錄事落職知泰州加集賢殿

修撰知蔡州召爲禮部侍郎修哲宗實錄遷尚

書拜尚書右丞遷左丞以中大夫知亳州卒著

書二百四十二卷多禮家名數之說公執政時

於越先賢像傳贊 卷下

十

薦拔人才多恬退者初以光祿丞爲詳定郊廟禮文官每有所議神宗輒曰自王鄭以來言禮未有如佃者贊曰

士抑奔競制戒紛更芳節亮鑒三朝典型端冕

議禮闔戶治經王鄭絕學猗公代明

宋朝奉大夫資政殿學士壯簡李公

公諱光字泰發上虞人登進士知常熟縣遷司封言事件王黼收符寶郎欽宗卽位擢右司諫

宋給事中傅公

公諱崧卿山陰人省試第一擢甲累遷考功員外郎兼太子舍人方士林靈素得幸三公輔臣以下皆從師授公與會幾不行被譖出爲蒲圻縣丞高宗初召爲中書門下省檢正諸房公事金人渡江上自越幸四明公殿後乘障盡死力累拜祕書監兼權戶部侍郎權知建康府尋降秩提舉玉隆觀久之召爲中書舍人進給事中

於越先賢像傳贊 卷下

十三

於越先賢像傳贊 卷下

十二

除知宣州公以宣密邇行都乃繕城池聚兵糧籍六邑之民保伍相比謂之義社劇盜咸方破甯國抵城下宣受圍凡二十九日公出奇應敵卒得保全紹興初擢吏部侍郎除江東安撫使知建康秦檜旣罷呂頤浩朱勝非並相公議論素與不合言者指爲檜黨落職尋除參知政事時檜再相以公望重若同押榜浮議自息公意因和爲自治之計旣而檜議徹淮南守備奪諸將兵權公因極言和不可恃備不可徹又於上前斥檜懷姦誤國檜大怒明日遂乞去十一年万俟卨論公懷怨謫瓊州安置呂愿中又告公與胡銓詩賦唱和譏訕朝政移昌化軍論文考史夷然自適以郊恩復朝奉大夫資政殿學士卒諡曰忠簡贊曰

義社卻敵御牀叱姦綱鼎元業厥助與班雙泉講易怡然閉關敬亭遺祠思均岷山

兼史館御史常同論公懷姦如王安石罷歸公以國家多事常慷慨欲以功名自見言及國事憤詫或至流涕覽鏡見齒髮衰皓每輒自嘆曰吾遂無以報國家而死乎未及大用而卒時人惜之贊曰

乘障參幕慷慨立功目無靈素何論常同被讒遽行高眠樵風攬鏡流涕壯懷曷窮

宋徽猷閣待制知廣州事陳公

公諱豪字德應餘姚人令新昌以愷悌稱呂頤浩欲用爲御史約先一見謝不往移知台州台有五邑嘗攝其三民懷惠愛母喪邦人巷哭走行在請公公力辭詔公清謹不擾勅賜錢三十萬終喪累遷權刑部侍郎時秦檜主和議公兩疏謂金人多詐和不可恃秦檜憾之力請去除徽猷閣待制知穎昌府改處州又改廣州坐事降秩上章告老遂致仕謝事歸剡中僑居僧寺

於越先賢像傳贊 卷下

三

日糴以食處之泰然王十朋爲風土賦論當世人物曰杜祁公之後有陳德應云贊曰抗疏和議終以乞身歷典五州歸而食貧賜錢旌潔秉香頌仁祁國而外會稽一人

宋太常主簿石公

公諱密字子重新昌人幼端慤以發明聖學爲已任登進士乾道間知龍溪時學校久廢公延賢師掌教事而時臨之士始知學他郡士來學

者至不能容乃爲拓地廣齋置田贍之監察御史陳舉善丞相史浩薦於朝召對首陳君道上嘉納之累遷太常主簿素與朱子友善所著中庸集解朱子嘗采之爲集註云贊曰家明聖學廷對君道世之壞儒爲邑以老蠲租益舍署必下考中庸一箋元晦所寶

宋寶章閣待制渭南伯陸公

公諱游字務觀山陰人鎖廳薦第一秦檜孫墳

於越先賢像傳贊 卷下

十四

適居其次檜怒明年試禮部主事復置前列檜顯黜之檜死始赴甯德簿孝宗卽位史浩等薦公善詞章諳典故召見賜進士出身和議將成公書白二府當與金約臨安建康皆我駐蹕之地如此則我得暇時建都立國彼不我疑時曾覲龍大淵用事公爲張燾言之燾以上聞詰所自來燾以公對上怒出判隆興以言者論免歸王炎辟爲幹辦公事爲炎陳進取之策又請

以吳拱代吳挺掌兵以挺驕恣不可馭也及挺子叛始信公言累遷權同修國史實錄院修撰免奉朝請升寶章閣待制致仕封渭南伯公少穎悟學問該貫文辭超邁爲一時之冠恢復之志垂老不忘讀示兒詩可見其志矣贊曰

先識料叛直言忤權看花載酒一官十年中原流涕垂死益堅杜陵櫻契庶幾斯賢

宋太傅永寧郡王楊公

於越先賢像傳贊 卷下

五

公諱石字介之仁烈皇后姪也越州上虞人入武學以後貴賜第初封信安郡侯又以檢校少保進封開國公寧宗崩宰相史彌遠謀廢立命公白后事在宋史楊后傳理宗既立授開府儀同三司充萬壽觀使時寶慶垂簾人多言本朝世有母后之聖公獨曰事豈容概言昔仁宗英宗哲宗嗣位或尚在幼冲或素繇撫育軍國重事有所未諳則母后臨朝宜也今主上熟知民

事天下悅服雖聖孝天通然不早復政得無基小人離間之嫌乎乃密疏上之后覽奏卽命擇日撤簾進少保封永寧郡王後進太傅贊曰建儲効順撤簾表謬戒侈持盈晚節彌恪丹贊大謀儵讓顯爵惟公懿操參芳比崕

宋唐先生

先生諱珪字玉潛山陰人家貧授徒以養其母宋平元總統江南釋教楊璉眞珈發宋諸陵搜

於越先賢像傳贊 卷下

六

其寶玉先生聞之不勝痛憤貨家貲及行貸得百餘金具酒招鄉里少年與飲酒涕泣以告願收遺骨葬他所衆壯其誼咸諾乃具木匣絹囊各署其表曰某陵某陵分委散遣收遺骸瘞蘭亭山中樹冬青其上以識之未幾楊髡誅事始傳播義聲振吳越云贊曰

義不忘國誠乃格天布衣仗節嬰讓莫先空山冬青王氣鬱然惟先生功庚申再延